

全上古三代秦漢三國六朝文

全後魏文卷十九

烏程嚴可均校輯

元孚

孚字秀和臨淮王譚之次子累遷兼尚書右丞靈太后臨朝遷左丞召賑卹阿那瓌辱命下廷尉後拜冀州刺史陷入葛榮榮死還除冀州刺史封萬年鄉男後從孝武西遷除尚書左僕射封扶風郡王監國史歷司空兼尚書令太保遷太尉薨贈大司馬錄尚書事諡曰文簡

陳賑恤阿那瓌便宜表

皮服之人未嘗粒食宜從俗因利拯其所無昔漢建武中單于款塞時轉河東米糒二萬五千斛牛羊三萬六千頭召給之斯卽前代和戎撫新柔遠之長策也乞召犉牛產羊餽其口命且畜牧繁息是其所便毛血之利惠兼衣食又尚書奏云如其仍住七州隨

宜置之臣謂人情戀本寧肯徙內若依臣請給賑雜畜愛本重鄉
必還舊土如其不然禁留益損假令逼徙事非久計何者人面獸
心去留難測既易水草病恙將多憂愁致困死亡必甚兼其餘類
尙在沙磧脫出狂悖翻歸舊巢必殘掠邑里遺毒百姓亂而方塞
未若杜其未萌又貿遷起于上古交易行于中世漢與胡通亦立
關市北人阻饑命懸溝壑公給之外必求市易彼若願求宜見聽
許

營大者不計小名圖遠者弗拘近利雖戎狄衰盛歷代不同叛服
之情略可論討周之北伐僅獲中規漢氏外攘裁收下策昔在代
京恆爲重備將帥勞止甲士疲力前世苦之計未能致今天祚大
魏亂亡在彼朝廷垂天覆之恩廓大造之德鳩其散亡禮送令返
宜因此時善思遠策竊曰理雖萬變可曰一觀來事雖懸易曰往
上昔漢宣之世呼韓款塞漢遣董忠韓昌領邊郡士馬送出朔方

固畱衛助。又光武時亦令中郎將段彬置安集掾史隨單于所在
參察動靜。斯皆守吉之元龜。安邊之勝策。計今朝廷成功不滅。曩
時蠕蠕國敝亦同時日。宜準昔成謀。略依舊事。借其所閑地。聽使
田牧。粗置官屬。示相慰撫。嚴戒邊兵。已見保衛。馭己寬仁。縻已久
策。使親不至矯詐。疏不容叛反。今北鎮諸將。舊常云一人代外。選
因合防。祭所謂天子有道。守在四夷者也。

先人有奪人之心。待降如受疆敵。武非專外。亦已防內。若從處分
割配。諸州鎮遼遠。非轉輸可到。悔叛之情。變起難測。又居人畜業。
布在原野。戎夷性貪。見則思盜。防彼肅此。少兵不堪。渾流之際。易
相干犯。驅之還本。未必樂去。配州內徙。復不肯從。既其如此。爲費
必大。

魏書陸淮
王譚附傳

修樂器表

昔太和中。中書監高閭。大樂令公孫崇。脩造金石。數十年閒。乃奏

成功時大集儒士攷其得失太常卿劉芳請別營造久而方就復
召公卿量校合否論者沸騰莫有適從登被旨敕竝見施用往歲
大軍入洛戎馬交馳所有樂器亡失垂盡臣至太樂署問太樂令
張乾龜等云承前已來置宮懸四箱簫簣六架東北架編黃鍾之
磬十四雖器名黃鍾而聲實夷則攷之音制不甚諧韻姑洗懸于
東北太簇編于西北蕤賓列于西南竝皆器象差位調律不和又
有儀鍾十四虛懸架首初不叩擊今便刪廢自從正則臣今據周
禮鳧氏脩廣之規磬氏倨句之法吹律求聲叩鍾求音損除繁雜
討論實錄依十二月爲十二宮各準辰次當位懸設月聲旣備隨
用擊奏則會還相爲宮之義又得律呂相生之體今量鍾磬之數
各呂十二架爲定

魏書臨淮
王譚附傳

咸陽王禧

禧字永壽獻文帝第二子太和九年封咸陽王加侍中驃騎大

將軍中都大官出爲冀州刺史入除司州牧兼太尉尋加侍中
正太尉宣武卽位受遺輔政進位太保領太尉景明二年謀反
賜死

敘武表

國朝偃武崇文偏捨來久州鎮兵人或有雄勇不閑武藝今取歲
暮之暇番上之日訓其兵法弓矢干稍三分竝教使人閑其能臨
事無闕

魏書咸陽王禧傳

高陽王雍

雍字思穆獻文帝第四子太和九年封潁川王加侍中征南大
將軍拜中護領鎮北大將軍改封高陽王行鎮軍大將軍遷衛
尉加散騎常侍除鎮北大將軍相州刺史進號征北將軍宣武
卽位遷征北大將軍冀州刺史入拜驃騎大將軍司州牧遷司
空轉太尉加侍中除太保孝明卽位召爲宗師進太傅爲于忠

矯詔所廢。呂王歸第。靈太后臨朝。除侍中太師。領司州牧。錄尚書事。兼太保。進位丞相。孝莊初。于河陰遇害。諡曰文穆王。

考格表

竊惟三載考績。百王通典。今任事上中者。三年升一階。散官上第者。四載登一級。閑冗之官。本非虛置。或曰賢能而進。或因累勤而舉。如其無能。不應忝茲高選。既其已能。通典作已勤已能進之朝伍。或任官外戍。遠使絕域。催督通懸。察檢州鎮。皆是散官。已充劇使。及于考陟。排同閑伍。檢散官之人。非才。通典作才非皆劣。稱事之輩。未必悉賢。而考閑已多年。課煩已少歲。上乖天澤之均。下生不等之苦。又尋景明之格。無折考之文。正始之奏。有與奪之級。明參差之考。非聖慈之心。改典易常。乃有司之意。又尋考級之奏。委于任事之手。涉議科勤。絕于散官之筆。遂使在事者。得展自勤之能。散輩者。獨絕披矜之所。抑已上下之閑。限已旨格之判。致使近侍禁職。抱槃

屈之辭、禁衛武夫懷不申之恨、欲剋平四海、何已獲諸、又散官在直、一玷成尤、銜使忽失、差毫卽坐、微纒所逮、未已事閑優之、節廢之賚、不日祿微加賞、罪殿之犯、未殊任事、考陟之機、推年不等、臣聞君舉必書、書而不法、後代何觀、詩云王事靡盬、不遑啟處、又曰豈不懷歸、畏此簡書、依依楊柳、已敎治兵之役、霏霏雨雪、又申振旅之勤、若折往來日月、便是采薇之詩、廢林杜之歌、罷又任事之官、吉凶請假、定省歸拜、動歷十旬、或因患重請、動輒經歲、征役在途、勤泰百倍、苦樂之勢、非任事之倫、在家私閑、非理務之日、論優諸劇、先宜折之、武人本挽上格者爲羽林、次格者爲虎賁、下格者爲直從、或累紀征戍、靡所不涉、或帶甲連年、負重千里、或經戰損傷、或年老衰竭、今試已本格、責其如初、有爽于先、退階奪級、此便責已不衰、理未通也、又蕃使之人、必抽朝彥、或歷嶮千餘、或履危萬里、登有死亡之憂、咸懷不返之憾、魂骨奉忠、目尸將命、先朝賞

格、酬、已、爵、品、今、朝、改、式、止、及、階、勞、折、已、代、考、有、乖、使、望、非、所、已、獎、
勵、皇、華、而、敦、崇、四、牡、者、也、復、尋、正、始、之、格、汎、後、任、事、上、中、者、三、年、
升、一、階、汎、前、任、事、上、中、者、六、年、進、一、級、三、年、一、考、自、古、通、經、今、已、
汎、前、六、年、昇、一、階、檢、無、愆、犯、倍、年、成、級、已、此、推、之、明、已、汎、代、考、新、
除、一、日、同、露、階、榮、下、第、之、人、因、汎、上、陟、上、第、之、士、由、汎、而、退、臣、又、
見、部、尉、資、品、本、居、流、外、刊、諸、明、令、行、之、已、久、然、近、爲、里、巷、多、盜、已、
其、威、輕、不、肅、欲、進、品、清、流、已、歷、姦、宄、甄、濫、啟、云、爲、法、者、施、而、觀、之、
不、便、則、改、竊、謂、斯、言、有、可、采、用、聖、慈、臨、覽、更、高、宰、尉、之、秩、今、考、格、
始、宣、懷、怨、者、眾、臣、竊、觀、之、亦、謂、不、可、有、光、國、典、改、之、何、難、
魏書高陽王雍

傳又見通典十五

自陳六罪表

臣初入柏堂、見詔旨之行、一由門下、而臣出君行、不、已、悵、意、每、覽、
傷、矜、視、之、慘、目、深、知、不、可、不、能、禁、制、臣、之、罪、一、也、臣、近、忝、內、樞、兼、

尸師傅宜保護聖躬溫清晨夕而于忠身居武司禁勒自在限已
內外朝謁簡絕皇居寢食所在不知社稷安危又亦不預出入柏
堂尸位而已臣之罪二也忠規欲殺臣賴在事執拒又令僕卿相
任情進黜遷官授職多不經旬斥退賢良專納心腹威振百寮勢
傾朝野臣見其如此欲出忠爲雍州刺史鎮撫關右在心未行反
爲忠廢忝官尸祿孤負恩私臣之罪三也先帝升遐儲宮纂統斯
乃君父之恆謨臣子之永則加賞之義自古無之忠旣人臣受恩
先帝喪禍之際竭節是常迎陛下于東宮臣下之恆事如其不爾
更欲何爲而忠意氣凌雲坐要封爵爾日抑之交恐爲禍臣已權
臣所欲不敢輒違卽集王公卿士議其多少清河王臣懌先帝懿
弟識度寬明臨眾唱議非曰勤而賞之憚違權臣之旨望顏而授
臣知不可因而從之臣之罪四也忠秉權門下且居宰執又總禁
旅爲崇訓衛尉身兼內外橫于宮掖臣之罪五也古者重罪必令

三公會期至旬日所目重死刑也先帝登極十有七年細人犯刑
猶寬憲墨朝廷貴仕不戮一人今陛下踐阼年未半周殺僕射尙
書如天一革是忠秉權矯旨擅行誅戮臣知不能救臣之罪六也
臣位荷師相年未及終難恕之罪顯露非一何情旨處何顏目生
雖經恩宥猶有餘責謹反私門伏聽司敗

魏書高陽王雍傳靈太后臨朝出于忠爲冀州刺史

請限賤妾奴婢服飾表

王公已下賤妾悉不聽用織成錦繡金玉珠璣違者旨違旨論奴
婢悉不得衣綾綺縠止于綬綳而已奴則布服竝不得旨金銀爲
釵帶犯者鞭一百

魏書高陽王雍傳雍領司州牧表請云云太后從之而不能久行也

奉禁鹽池復置鹽司取稅

鹽池天賦資育羣生仰惟先朝限者亦不苟與細民競茲贏利但
利起天池取用無法或豪貴封護或近者吝守卑賤遠來超然絕

望是已因置主司令其裁察強弱相兼務令得所且十一之稅自古及今取輒已次所濟爲廣自爾霜洽遠近齊平公私兩宜儲益不少及鼓吹主簿王後興等詞稱請供百官食鹽二萬斛之外歲求輸馬千匹牛五百頭曰此而推非可稍計後中尉甄琛啟求罷禁被敕付議尙書執奏稱琛啟坐談則理高行之則事闕請依常禁爲允詔依琛計乃爲繞池之民尉保光等擅自固護語其障禁倍于官司取與自由貴賤任口若無大宥罪合推斷詳度二三淡乖王法臣等商量請依先朝之詔禁之爲便防姦息暴斷遣輕重亦準前旨所置監司一同往式

魏書食貨志神龜初太師高陽王雍太傅清河王暉等奏于是復置監官以監檢焉

奏請用辭欽船運計

運漕之利今古攸同舟車息耗實相殊絕欽之所列關西而已若域內同行足爲公私巨益謹輒參量備如前計庶徵召有減勞止

小康若此請蒙遂必須溝洫通流卽求開興修築或先旨開治或
古迹仍在舊事可因用功差易此冬閑月令疏通咸詎比春水之
時使運漕無滯魏書食貨志三門都將薛欽上言造船引易車運
于公私爲便錄尚書高暢王雍尚書僕射李崇等奏

奏分置阿那瓌婆羅門

蠕蠕代跨絕域感化歸附那瓌委質于前婆羅門歸誠于後漢時
呼韓得同今美已上六句從通典補竊聞漢立南北單于晉有東西之稱皆
所已相維禦難爲國藩籬今臣等參議目爲懷朔鎮北土名無結
山吐若奚泉敦煌北西海郡卽漢晉舊障二處寬平原野彌沃阿
那瓌宜置西吐若奚泉婆羅門宜置西海郡各令總率部落收離
聚散其爵號及資給所須唯恩裁處彼臣下之官任其舊俗阿那
瓌所居既是境外宜少優遺旨示威刑請沃野懷朔武川鎮各差
二百人合當鎮軍主監率給其糧仗送至前所仍于彼爲其造構

功就聽還諸于北來在婆羅門前投化者合州鎮上佐率程給糧
送詣懷朔阿那瓌鎮與使人量給食粟在京館者任其去留阿那
瓌草創先無儲積請給朔州麻子乾飯二千斛官駝運送婆羅門
居于西海既是境內資衛不得同之阿那瓌等新造藩屏宜各遣
使持節馳驛先詣慰喻并委經略魏書蠕蠕傳正光二年十月錄
侍中侯剛尚書左僕射元欽侍中元叉侍中安豐王延明吏部尚
書元修義尚書李彥給事黃門侍郎元纂張烈盧同等奏又見通
典一百九十六

費羊皮張回事議

通典作
羌皮

州處張回專引盜律檢回所犯本非和掠保證明然去盜遠矣今
引引盜律之條處目和掠之罪原情究律實爲乖當如臣鈞之議
知買掠良人者本無罪文何引言之羣盜疆盜無首從皆同和掠
之罪故應不異明此自無正條引類引結罪臣鴻曰轉賣流漂罪
與掠等可謂罪人斯得案賊律云謀殺人而發覺者流從者五歲

刑已傷及殺而還蘇者死從者流已殺者斬從而加功者死不加功者流詳沈賤之與身死流漂之與腐骨一存一亡爲害孰甚然賊律殺人首從之科盜人賣買無唱和差等謀殺之與和掠同是良人應爲準例所引不引殺人減之降從疆盜之一科縱令謀殺之與疆盜俱得爲例而引從輕其義安在又云知人掠盜之物而故買者引隨從論此明禁暴掠之原遏姦盜之本非謂買之于親尊之手而同之于盜掠之刑竊謂五服相賣俱是良人所引容有差等之罪者明去掠盜理遠故從親疏爲差級尊卑爲輕重依律諸共犯罪者皆引發意爲首明賣買之先有由魁末之坐宜定若羊皮不云賣則回無買心則羊皮爲元首張回從坐首有沽刑之科從有極默之戾推之憲律法刑無據買者之罪宜各從賣者之坐又許臣鴻之議有從他親屬買得良人而復真賣不語後人由狀者處同掠罪既一爲婢賣與不賣俱非良人何必引不賣爲

可原轉賣爲難恕張回之愆宜鞭一百賣子葬親孝誠可美而表
賞之議未聞刑罰之科已降恐非敦風厲俗已德導民之謂請免
羊皮之罪公酬賣直魏書刑罰志通典一百六十七

南郊明堂配食議

竊曰尙德尊功其來自昔郊稷宗文周之茂典仰惟世祖太武皇
帝曰神武纂業剋清禍亂德濟生民功加四海宜配南郊高祖孝
文皇帝大聖膺期惟新魏道刑措勝殘功同天地宜配明堂魏書禮志
二熙平二年三月北海王雍清河王懌
廣平王懷任城王澄胡國珍崔光等議
停元匡所制尺度議

伏惟高祖創改權量已定匡今新造微有參差且匡云所造尺度
與漢志王莽權斛不殊又晉中書監荀勗云後漢至魏尺長于古
四分有餘于是依周禮積黍曰起度量惟古玉律及鍾遂改正之
尋勗所造之尺與高祖所定毫釐略同及侍中崔光得古象尺于

時亦準議令施用仰惟孝文皇帝德邁前王睿明下燭不刊之式

事難變改臣等參論請停匡議永遵先皇之制

魏書廣平王洛侯附傳匡所制尺度

詔太師高陽王雍等議

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後魏文卷十九終

全後魏文卷二十

烏程嚴可均校輯

元端

端字宣雅，雍長子，爲散騎侍郎，累遷通直常侍、鴻臚、太常少卿、散騎常侍，出爲安東將軍、青州刺史，除撫軍將軍、金紫光祿大夫，使持節、東南道大使，拜鎮軍將軍、兗州刺史，封安德縣開國公，除都官尚書。孝莊初，與雍俱遇害。河陰贈車騎大將軍、儀同三司、相州刺史。

上言集議郊禘配

謹案禮記祭法有虞氏禘黃帝而郊嚳，祖顓頊而宗禹，殷人禘嚳而郊冥，祖契而宗湯，周人禘嚳而郊稷，祖文王而宗武王。鄭玄注大禘郊祖宗，謂祭祀以配食也。有虞氏曰上尚德，禘郊祖宗，配用有德者。自夏曰下，稍用

其姓代之是故周人曰后稷爲始祖文武爲二祧說于周世配祭不毀案禮書雖無廟配食禘祭謹詳聖朝曰太祖道武皇帝配圜丘道穆皇后劉氏配方澤太宗明元皇帝配上帝明密皇后杜氏配地祇又曰顯祖獻文皇帝配雲祀太宗明元皇帝之廟既毀上帝地祇配食有式國之大事唯祀與戎廟配事重不敢專決請召羣官集議曰問

魏書禮志二熙平二年三月太常少卿元端上言

宗室助祭議

禮記祭法云王立七廟曰考廟曰王考廟曰皇考廟曰顯考廟曰祖考廟遠廟爲祧有二祧而祖考曰功重不遷二祧曰盛德不毀迭遷之義其在四廟也祭統云祭有十倫之義六曰見親疏之殺焉夫祭有昭穆昭穆者所自別父子遠近長幼親疏之序而無亂也是故有倫注云昭穆咸在同宗父子皆來指謂當廟父子爲羣不繫于昭穆也若一公十子便爲羣公子豈待數公而立稱乎文

王世子云五廟之孫祖廟未毀雖爲有所援引然與朝議不同如依其議匪直太祖曾玄諸廟子孫悉應預列既無正據竊謂太庶臣等愚見請同僧奇等議魏書禮志二熙平二年江陽王繼表求預祭太常少卿元端議又見通典五十一

羊祜諡議

社志存埋輪不避彊禦及贊戎律熊武斯裁仗節撫藩邊夷識德化沾殊類襁負懷仁謹依諡法布德行剛曰景宜諡爲景魏書酷吏羊祜

傳太常少卿元端傳士劉臺龍議諡

上言羊祜諡應如前議

竊惟諡者行之迹狀者迹之稱然尙書銓衡是司釐品庶物若狀與迹乖應抑而不受錄其實狀然後下寺依諡法準狀科上豈有捨其行迹外有所求去狀去稱將何所準檢祜已母老辭藩乃降手詔云卿綏撫有年聲實兼著安邊寧境實稱朝望及其歿也又

加顯贈言社誠著累朝效彰內外作牧岷區字萌之績敷聞詔冊
褒美無替倫望然君子使人器之義無求備德有數德優劣不同
剛而能克亦爲德焉謹依謚法布德行剛曰景謂前議爲允魏書
傳元端劉臺龍議謚曰景侯剛元纂等
駁靈太后令依駁更議元端臺龍上言

廣陵王羽

羽字叔翻獻文帝第五子太和九年封廣陵王加侍中征東大
將軍大理加衛將軍遷特進尙書左僕射太子太保錄尙書事
領廷尉兼太尉坐事削職及車駕南伐進號衛將軍除征東大
將軍開府青州刺史加散騎常侍進號車騎大將軍宣武卽位
遷司州牧景明二年進司徒薨謚曰惠

奏請內改京官

外改令文每歲終州鎮列牧守治狀及至再改隨其品第曰彰黜
陟去十五年中在京百寮盡已經改爲三等此年便是三載雖外

有成合而內令未班內外攷察理應同等臣輒推准外攷旨定京

官治行

魏書廣陵王羽傳

彭城王勰

勰字彥和獻文帝第六子太和九年封始平王加侍中征西大將軍拜光祿大夫轉中書令改封彭城王除中軍大將軍開府宗師尋爲司徒太子太傅宣武卽位出爲驃騎大將軍定州刺史尋領揚州刺史進大司馬領司徒錄尚書加侍中爲高肇所請永平元年九月遇害諡曰武宣王孝莊帝卽位追尊曰文穆皇帝廟號肅祖

上孝文帝諡議

謹案諡法協時肇享曰孝五宗安之曰孝道德博聞曰文經緯天地曰文仰惟大行皇帝義實該之宜上尊號爲孝文皇帝廟曰高祖陵曰長陵

魏書彭城王勰傳

奏駁甄瑛弛鹽禁議

瑛之所列富乎有言首尾大備或無可貶但恐坐談則理高行之則事闕是用遲回未謂爲可竊惟古之善爲治者莫不昭其勝途悟其遠理及于救世升降稱時欲令豐無過溢儉不致敝役養消息備在厥中節約取足成其性命如不爾者焉用君爲若任其生產隨其啄食便是芻狗萬物不相有矣自大道既往恩惠生焉下奉上施卑高理睦然恩惠既交思拯之術廣恆恐財不賙國澤不厚民故多方以達其情立法以行其志至乃取貨山川輕在民之貢立稅關市裨十一之儲收此與彼非利己也回彼就此非爲身也所謂集天地之產惠天地之民藉造物之富賑造物之貧徹商賈給戎戰賦四民贍軍國取平用平各有義已禁此淵池不專大官之御斂此匹帛豈爲後官之資既潤不在己彼我理一猶積而散之將焉所吝且稅之本意事有可求固已希濟生民非爲富賄

藏貨不爾者皆之君子何爲然哉是已後來經圖未之或改故先
朝商校小大已情降鑒之流疑興復鹽禁然自行以來典司多怠
出入之間事不如法遂令細民怨嗟商販輕議此乃用之者無方
非興之者有謬至使朝廷明識聽營其間學而罷之懼失前旨一
行一改法若易基參論理要宜依前式魏書甄琛傳世宗臨昨寢
可否已聞司徒錄尚書彭
城王勰兼尚書邢劭等奏

彭城王劭

劭字子訥魏子永平中襲爵孝明時歷宗正少卿平東將軍青
州刺史孝昌末徵爲御史中尉孝莊帝卽位尊爲無上王尋遇
害河陰追諡曰孝宣皇帝

奉家財已充軍用表

僞豎遊魂闕餽邊境勞兵兼時日有千金之費臣仰藉先資紹響
厚秩思曰埃塵用裨山海臣國封徐州去軍差近謹奉粟九千斛

絹六百匹、國吏二百人、召充軍用。

魏書曰彭城王勰附傳

北海王詳

詳字季豫、獻文帝第七子、太和九年封北海王、加侍中、征北大將軍、光祿大夫、轉祕書監、行中領軍、畱守、又行司州牧、除護軍將軍、兼尚書左僕射、受遺爲司空、輔政、宣武卽位、遷侍中大將軍、錄尚書事、除太傅、領司徒、正始元年召罪廢爲庶人、暴死、永平元年復本封、葬曰王禮、諡曰平王、

奏劾甄瑗李憑

臣聞黨人爲患、自古所疾、政之所忌、雖寵必誅、皆所召存天下之至公、保靈基于永業者也、伏惟陛下纂聖前暉、淵鑒幽隱、恩斷近習、憲軌唯新、大政蔚召增光、鴻猷于焉永泰、謹案侍中領御史中尉甄瑗、身居直法、糾擿是司、風邪響顯、猶宜劾糾、況趙脩奢暴聲、著内外、侵公害私、野朝切齒、而瑗嘗不陳奏、方更往來、綢繆結紉、

曰爲朋黨中外影響致其談譽令布衣之父超登正四之官七品之弟越陟三階之祿虧先皇之選典塵聖明之官人又與武備將軍黃門郎李憑相爲表裏憑兄叨封知而不言及脩蒙彰方加彈奏生則附其形勢死則就地排之竊天之功曰爲己力仰欺朝廷俯罔百司其爲鄙詐于茲甚矣不實不忠實合貶黜謹依律科徒請曰職除其父中散實爲叨越雖皇族帝孫未有此例旣得不曰倫請下收奪李憑朋附趙脩是親是仗交遊之道不依恆度或晨昏從就或吉凶往來至乃身拜其親妻見其子每有家事必先請託緇點皇風塵鄙正化此而不糾將何曰肅整阿諛獎厲忠槩請免所居官曰肅風軌

魏書甄瓌傳趙脩死之明日瓌與李憑曰朋黨被召詣尙書兼尙書元英那辭窮其阿附

之狀司徒錄尙書北海王詳等奏

奏請改制條還附律處

竊惟姦劫難除爲蠹日久羣盜作患有國攸病故五刑爲用猶陷

觸網之誅道幾勝殘。盜息狗竊之響。是曰班制垂式。名爲治本。整網提目。政之大要。謹尋奪祿事條。班已周歲。然京邑尹令。善惡易聞。邊州遠守。或難聽審。皆上下同情。迭相掩沒。設有賊發。隱而不言。或曰劫爲偷。或遇掠成盜。更合賊發難知。攘竊惟甚。臣等參議。若依制削奪。則縣無替月之宰。附條貶黜。郡靡歲稔之守。此制必行。所謂法令滋章。盜賊多有。昔黃龔變風。不由削祿。張趙稱美。豈憚貶退。然緩導之體。得失在人。乃可重選慎官。依律劾禁。不宜輕改法令。削黜羣司。今請改制條。還附律處。其勵己公清。實有常典。風謠黷賄。案爲改策。

魏書北海王詳傳景明二年詳與八座奏

上言集議禘祫儀注

奉旨集議。僉曰爲禘祫之設。前代彝典。惠蔚所陳。有允舊義。請依前剋敬享清宮。其求省時祭理實宜爾。但求之解注。下逼列國。兼時奠之故事。雖輒省。請移仲月。擇吉重聞。

魏書禮志二景明二年七月付中祿尚書事北

海王詳略
言詔可

北海王顥

顥字子明，詳子。永平元年襲封北海王，累遷至都官尚書。正光中，出除散騎常侍、撫軍將軍、徐州刺史。孝昌中，爲征西將軍，西道行臺尚書右僕射，遷車騎大將軍，儀同三司。武泰初，遷侍中、驃騎大將軍，開府、相州刺史。孝莊卽位，授太傅，尋奔梁。梁立爲魏帝，曰永安元年。十月入據南兗州之鉅城。建元，孝基明年五月入洛，改元建武，尋戰敗南奔，爲臨潁縣卒。江豐所斬。孝武卽位，追贈驃騎大將軍、冀州刺史。

入洛上梁武帝表

河北河南一時已定，唯余朱榮尙敢跋扈。臣與慶之自能擒討，今州郡新服，正須綏撫，不宜更復加兵，搖動百姓。梁書陳慶之傳

清河王懌

懌字宣仁孝文帝第五子太和二十一年封清河王宣武卽位

拜侍中轉尙書僕射進司空孝明卽位轉司徒進太傅領太尉

正光元年爲元叉所害諡曰文獻王案北史李先傳先曾孫義

記室賤書表疏文不加點清典贈速當世稱之魏書清河王懌

傳有諫議太后使沙門惠曉曰呪水療病表據北史是議徵草

奏今編入義徵文餘姑歸懌集又案魏書袁翻

傳翻子躍爲清河王懌文學懌之文表多出于躍

乞議定喪禮表

臣聞百王所尙莫尙于禮于禮之重喪紀斯極世代沿革損益不

同遺風餘烈景行終在至如前賢往誥商確有異或竝證經文而

論情別緒或各言所見而討事共端雖憲章祖述各自名家而論

議紛綸理歸羣正莫不隨時所宗各爲一代之典自上達下罔不

遵用是使叔孫之儀專擅于漢朝王肅之禮獨行于晉世所謂共

同軌文四海畫一者也至乃折旋俯仰之儀哭泣升降之節去來

闕巷之容出入閨門之度尙須疇諮禮官博訪儒士載之翰紙著

在通法辯答垂殊證據不明卽詆訶疵謬糾劾成罪此乃簡牒成文可具閱而知者也未聞有皇王垂範國無一定之章英賢贊治家制異同之式而欲流風作則永貽來世比學官雖建庠序未修稽攷古今莫專其任暨乎宗室喪禮百僚凶事冠服制裁日月輕重率令博士一人輕介議之廣陵王恭北海王顥同爲庶母服恭則治重居廬顥則齊替聖室論親則恭顥俱是帝孫語貴則二人並爲蕃國不知兩服之證據何經典俄爲舛駁莫有裁正懿王昵戚尙或如斯自茲已降何可紀極歷觀漢魏喪禮諸儀卷盈數百或當時名士往復成規或一代詞宗較然爲則況堂堂四海藹藹如林而令喪禮參差始于帝族非所已儀刑萬國綴旒四海臣忝官台傳備位喉膺不能秉國之鈞致斯爽缺具瞻所誦無所逃罪謹略舉恭顥二國不同之狀以明喪紀乖異之失乞集公卿樞納內外儒學博議定制班行天下使禮無異準得失有歸并因事而

廣永爲條例庶塵岳沾河微酬萬一

魏書禮志四熙平二年十一月大傅清河王擇表

官人失序表

孝文帝制出身之人本以門品高下有恆若準資蔭自公卿令僕之子甲乙丙丁之族上則散騎祕著下逮御史長兼皆條例昭然無有虧沒自此或身非三事之子解褐公府正佐地非甲乙之類而得上宰行僚自茲已降亦多乖舛且參軍事專非出身之職今必釋褐而居祕著本爲起家之官今或遷轉已至斯皆仰失先準有違明令非所謂式遵遺範奉順成規此雖官人之失相循已久然推其彌漫抑亦有由何者信一人之明當九流之廣必令該鑑氏族辨照人倫才識有限固難審悉所召州置中正之官清定門閥品藻高卑四海畫一專尸衡石任實不輕故自置中正以來賢于太和之日莫不高擬其人妙盡茲選皆須名位重于鄉國才德允于具瞻然後可召品裁州郡綜覈人物今之所置多非其人乞

明爲敕制使官人選才備依先旨無令能否乖方違才易務并革
選中正一依前軌庶清源有歸流序允穆通典十六孝明帝時清
河王擇昌官人失序止
表案今魏書孝文五王傳全缺呂北史
補之故無此表通典所據乃魏收原書也
奏立表伺暑度

天道至遠非人情可量麻數幽微豈已意輒度而議者紛紜競起
端緒爭指虛遠難可求衷自非建標準影無已驗其眞僞頃永平
中雖有攷察之利而不周歲窮究遂不知影之至否差失少多臣
等參詳謂宜今年至日更立表木明伺暑度三載之中足知當否
令是非有歸爭者息競然後采其長者更議所從魏書律麻志上
延昌四年太傅
清河王擇司空尙書令任城王澄散騎常
侍尙書僕射元暉侍中領軍江陽王繼奏
奏請追奪于忠賞爵

竊惟先帝升遐之初皇上登極之始四海謐然宇內晏清至于奉
迎乘輿侍衛省闈斯乃臣子之常節職司之恆理不容已此爲功

妄開井邑臣等前議所已廣建茅土者正已畏迫威權苟免暴戾故也是已中議之際已十三日夜入爲無勳唯已拒違矯令抑黜姦回微可褒敘已前侍中臣忠總攝文武侍中臣光久在樞密讚同其意故唯賞二人今尙書臣昭等無涯上訴奉敕重議案王顯陰結姦徒志爲不逞高聲遠同凶逆遙構禍端無將之罪事合汾戮而忠等微罪唯已厥身不至殄戮又出罪人窮治不盡案律準憲事在不輕暨皇上纂祚聖后別宮母子隔異溫清道絕皆忠等之咎過方厥勳功微罪重又忠專權之後擅殺樞納輒廢宰輔令朝野駭心遠近怪愕功過相除悉不合賞請悉追奪

魏書于栗磎附傳靈太后

臨朝解于忠侍中領軍崇訓衛尉卿徐太傅清河王等奏

奏定五時冠服

謹案前敕制五時朝服嘗訪國子議其舊式太學博士崔瓚等議自漢逮于魏晉迎氣五郊用幘從服改色隨氣斯制因循相承不

革冠冕舊未聞有變今皇魏憲章前代損益從宜五時之冠謂如漢晉用幘爲允尙書曰禮式不經請訪議事奉敕付臣令加攷決臣曰爲帝王服章方爲萬世則不可輕裁請更集禮官下省定議蒙敕聽許謹集門下及學官自上四十三人尋攷史傳量古校今一同國子前議幘隨服變冠冕弗改又四博士臣王僧奇蔣雅哲二人曰爲五時冠冕宜從衣變臣等謂從國子前議爲允

魏書禮志

周顯平二年九月太傅清河王
擇給事黃門侍郎韋延祥奏

胡太后父廟制議

太后博士王延業及盧觀等各率異見案禮記王制天子七廟二昭三穆與太祖之廟而七諸侯五廟一昭二穆與太祖之廟而五並是後世追論備廟之文皆非當時據立神位之事也良由去聖久遠經禮殘缺諸儒注記典制無因雖稽考異聞引證古誼然用捨從世通塞有時折衷取正固難詳矣今相國秦公初構國廟追

立神位唯當仰祀二昭二穆上極高曾四世而已何者秦公身是始封之君將爲不遷之祖若曰功業隆重越居正室恐曰卑臨尊亂昭穆也如其權立始祖已備五廟恐數滿便毀非禮意也昔司馬懿立功于魏爲晉太祖及至子晉公昭乃立五廟亦祀四世止于高曾太祖之位虛俟宣文待其後裔數滿乃止此亦前代之成事方今所殷鑒也又禮緯云夏四廟至子孫五殷五廟至子孫六周六廟至子孫七明知當時太祖之神仍依昭穆之序要待子孫世世相推然後太祖出居正位耳遠稽禮緯諸儒所說近循晉公之廟故事宜依博士王延業議定立四主親止高曾且虛太祖之位曰待子孫而備五廟焉又延業虛觀前經詳議竝據許慎鄭玄之解謂天子諸侯作主大夫及士則無意謂此議雖出前儒之事實未允情禮何曰言之原夫作主之禮本曰依神孝子之心非主莫依今銘旌紀極設重惡神祭必有尸神必有廟皆所曰展事孝

敬想象平存。上自天子，下逮于士，如此四事，竝同其禮。何至于主，惟謂王侯禮云重主道也。此爲理重，則立主矣。故王肅曰：重未立主之禮也。士喪禮亦設重，則士有主明矣。孔惺反祔，載之左史，饋食設主，著于逸禮。大夫及士，旣得有廟，題紀祖考，何可無主。公羊傳：君有事于廟，聞大夫之喪，去樂卒事。大夫聞君之喪，攝主而往。今已爲攝主者，攝神斂主而已，不暇待徹祭也。何休云：宗人攝行主事而往也。意謂不然。君聞臣喪，尙爲之不繹，況臣聞君喪，豈得安然代主終祭也。又相國立廟，設主依神，主無貴賤，紀座而已。官位擬諸侯者，則有主；位爲大夫者，則無主，便是三神有主，一位獨闕，求諸情禮，實所未安。宜通爲主，曰銘神位。魏書禮志：二神並祀，顯太后父胡國珍薨，傳清河王懌議，又見通典四十八

又議

古者七廟，廟堂皆別。光武已來，異室同堂，故先朝祀堂，令云廟皆

四楸五架北廂設坐東昭西穆是曰相國構廟唯制一室同祭祖考比來諸王立廟者自任私造不依公令或五或一參差無準要須議行新令然後定其法制相國之廟已造一室實合朝令宜卽依此展其享祀

魏書禮志二
通典四十八

作主議

原夫作主之禮本曰依神孝子之心非主莫展今銘旌紀柩設重憑神祭必有尸神必有廟皆所曰展事孝敬想像生存上自天子下達于士如此四事並同其禮何至于主唯謂王侯若位擬諸侯者則有主位爲大夫者則無主是使三神有主一位獨闕求諸情理實所未安宜通爲主曰銘神位

通典四十八

清河王曹

寬懌子正光中嗣封清河王孝莊末爲特進車騎大將軍普泰初歷儀同三司侍中驃騎大將軍進太傅太昌初遷司徒孝武

西遷。召大司馬承制總萬機。天平二年。薨。諡曰文宣王。

承制大赦。永熙三年八月。

晦爲明始。亂實治基。爰著天道。又符人事。故姬祚終微。踐土有勤王之役。劉氏將傾。北軍致左袒之舉。用能隆此遠年。克茲卜世。永熙之季。權佞擅朝。羣小是崇。勸賢見害。官緣價已貴賤。獄因貨而死生。宗祏飄若綴旒。民命棄如草莽。大丞相位居晉鄭。任屬桓文。與甲汾川。問罪伊洛。羣姦畏威。擁迫人主。召自敵衛。遠出秦方。雖車駕流移。未卽返御。然權佞將除。天下延頸。魏邦雖舊。其化惟新。思與兆民同茲更始。可大赦天下。魏書出帝紀。帝出于長安。八月。推司徒公清河王。圖爲人司馬。

承制總萬機居
尙書省戊辰制

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後魏文卷二十一終

全後魏文卷二十一

烏程嚴可均校輯

衛操

操字德元代人晉征北將軍衛瓘子爲牙門將後舉族歸苻丕
苻丕是爲桓帝累遷右將軍封定襄侯至苻廋之三年卒苻廋
是爲穆帝

桓帝功德頌碑

魏軒轅之苗裔言桓穆二帝馳名域外九譯宗焉治國御眾威禁
大行聲著華裔齊光純靈智深謀遠窮幽極明治則清斷沈浮得
情仁如春陽威若秋零疆不陵弱隱恤孤寡道教仁行化而不刑
國無姦盜路有頌聲自西訖東變化無形威武所向下無交兵南
壹王室北服丁零招諭六狄威來歸誠超前絕後致此有成奉承
晉皇扞禦邊疆王室多難天網施網豪心遠濟靡離其殃歲勦逆

命茲盜豺狼。永安元年歲次甲子。奸黨猶逆。東西狼跡。敢遍天王。兵甲屢起。怙眾肆暴。虐用將士。鄴洛構隙。棄親求疏。乃招異類。屠各匈奴。劉淵奸賊。結黨同呼。敢擊并土。殺害無辜。殘破狼籍。城邑巨墟。交刃千里。長蛇塞塗。晉道應天。言展良謀。使持節平北將軍并州刺史護匈奴中郎將東嬴公司馬騰才神絕世。規略超遠。時逢多難。懼損皇祀。欲引兵駕獫狁孔熾。造設權策。濟難奇思。欲招外救。朝臣莫應。高算獨斷。決謀盟意。爰命外國。引軍內備。簡賢選士。命茲良使。遣參軍壺倫牙門中行嘉義陽亭侯衛謨。協義亭侯衛軌等。馳奉檄書。至晉陽城。又稱桓穆二帝。心在宸極。輔相二衛。對揚毗翼。操展文謀。雄奮武烈。承命會議。諮論舊愆。昔桓文匡佐。功著周室。顯名載籍。列賞備物。大眾迴動。熙同靈集。興軍百萬。期不經日。兄弟齊契。決勝廟算。鼓譟南征。平夷險難。云又二帝列鎮。言若合符。引接款密。信義不渝。會盟汾東。銘篆丹青。永世奉承。慎終

如初契誓命將精銳先驅南救潁縣東解壽陽窘迫之邑幽而復
光太原西河樂平上黨遽遭寇暴白骨交橫羯賊肆虐六郡凋傷
羣惡相應圖及華堂旌旗輕指羯黨破喪遣騎十萬前臨淇漳鄴
遂振潰凶逆奔亡軍據州南曜鋒太行翼衛內外鎮靜四方志在
竭力奉戴天王忠恕用暉外動亦攘于是曜武振旅而旋長路匪
夷出入經年毫毛不犯百姓稱傳周覽載籍自古及今未聞外域
奔救內患棄家憂國日危易安惟公遠略臨難能權應天順人恩
德素宣和戎靜朔危邦復存又非桓天挺忠孝自然孰能超常不
爲異端回動大猷感公之言功濟方州勳烈光延升平之日納貢
充蕃憑瞻攀蓋步趾三川有德無祿大命不延年三十有九日永
興二年六月二十四寢疾薨胤背棄華殿雲中名都國失惠主哀
感欷歔悲痛煩冤載號載呼舉國崩絕攀援靡訴遠近齊軌奔赴
梓廬人百其身盈塞門塗高山其頽茂林凋枯仰訴造化痛延悲

夫又桓帝忠于晉室駿奔長衢隆冬淒淒四出行誅蒙犯霜雪瘡
入脉膚用致薨殞不永桑榆日死勤事經勳同模垂名金石載美
晉書平北哀悼祭呂豐麻攷行論勳諡曰義烈功施于人祀典所
說又桓帝經濟存亡繼絕荒服是賴祚存不輟金鼙蕭鼓輶蓋殊
制反及二代莫與同列并域嘉歎北國感榮各竭其心思揚休名
刊石紀功圖像存形靡輟享祀饗呂犧牲永垂于後沒有餘靈長
存不朽延于億齡其頌又稱桓帝金堅玉剛應期順會王有北方
行能濟國武平四荒無思不服區域大康世路紛糾運遭播揚錫
胡因戮政害并土哀痛下民死亡失所率眾百萬平夷險阻存亡
繼絕一州蒙祐功烈桓桓龍文虎武朱邑小善遺愛桐鄉勳懷大
惠六郡無缺悉之來由功而存刊石勒銘垂示後昆魏書衛操傳
桓帝崩操立
碑于大邦城南昌領功德云云時晉光武元年秋也皇興初雍州
別駕雁門段榮于大邦掘得此碑文雖非麗碑事宜載焉故錄于傳

許謙

謙字元遜代人昭成擢爲代王郎中令兼掌文記後徙長安道武登國初來歸爲右司馬賜爵關內侯并州平昌爲陽曲護軍進爵平舒侯安遠將軍皇始元年卒贈平東將軍左光祿大夫幽州刺史高陽公諡曰文

遺楊佛嵩書

夫杖順已翦逆乘義而攻昧未有非其運而顯功無其時而著業慕容無道侵我疆場師老兵疲天亡期至是已遣使命軍必望克赴將軍據方召之任總熊虎之師事與機會今其時也因此而舉役不再駕千載之勳一朝可立然後高會雲中進師三魏舉觴稱壽不亦綽乎

魏書許謙傳慕容寶來寇太祖使謙告難于姚興興遣將楊佛嵩率眾來援而佛嵩積疑太祖使謙爲書

與楊佛嵩盟

昔殷湯有鳴條之誓周武有河陽之盟所已藉神靈昭忠信夫親

仁善鄰古之令軌敵血割牲已敦永穆今既盟之後言歸其好分災恤患休戚是同有違此盟神祇斯殛

魏書許謙傳

張袞

袞字洪龍上谷沮陽人初爲郡五官掾道武爲代王選爲左長史皇始初遷給事黃門侍郎拜奮武將軍幽州刺史賜爵臨渭侯天興中黜爲尙書令史永興二年卒太武時追贈太保諡曰文康

疾篤上明元帝疏

臣旣庸人志無殊操值太祖誕膺期運天地始開參我氛霧之初馳驅革命之會託翼鄧林寄鱗溟海遂荷恩寵榮兼出內陛下龍飛九五仍參顧問曾無微誠塵山露海今舊疾彌留氣力虛頓天罰有罪將填溝壑然大馬戀主敢不盡言方今中夏雖平九域未一西有不賓之羌南有逆命之虜岷蜀殊風滄海異教雖天挺明

聖撥亂乘時而因幾撫會實須經略介焉易失功在人謀伏願恢
崇歡道克廣德心使揖讓與干戈並陳文德與武功俱運則太平
之化康哉之美復隆于今不獨前古昔子囊將終寄言城郢荀偃
辭哈遺恨在齊臣雖闇劣敢忘前志魂而有靈結草泉壤魏書張
袞傳永

興二年疾
篤上疏

張白澤

白澤字鍾葵袞玄孫文成帝初除中散遷殿中曹給事中太和
初轉散騎常侍遷殿中尙書卒贈鎮南將軍相州刺史廣平公
謚曰簡

表諫獻文帝

伏見詔書禁尙書曰下受禮者刑身糾之者代職伏惟三載考績
黜陟幽明斯乃不易之令軌百王之通式今之都曹古之公卿也
皆翊扶萬機讚徽百揆風化藉此而平治道由茲而穆且周之下

士尙有代耕。況皇朝貴仕而服勤無報。豈所謂祖襲堯舜憲章文武者乎。羊酒之罰。若行不已。臣恐奸人闕望。忠臣懈節。而欲使事靜民安。治清務簡。至于委任責成。下民難辭。如臣愚量。請依律令舊法。稽同前典。班祿酬廉。首去亂羣。常刑無赦。苟能如此。則升平之軌。期月可望。刑措之風。三年必致矣。魏書張袞附傳。祖詡請口潛一解者。罪至大辟。與者曰。從坐論。糾告得尙書已下罪狀者。各隨所糾。官輕重而授之。白澤上表諫。

諫文明太后

臣聞上天愛物之生。明王重民之命。故殺一人而取天下。仁者不爲。且周書父子兄弟。罪不相及。今羣凶肆虐。輾裂誅盡。合城無辜。柰何極辟。不誣十室。而況一州。或有忠焉。或有仁者。若淫刑濫及。殺忠與仁。斯乃西伯所曰歎息于九侯。孔子所曰回輪于河上。伏惟聖德。昭明殷鑒。水鏡前禮。止迅烈之怒。抑雷霆之威。則溥天知幸矣。昔厲防民口。卒滅宗姬。文聽輿頌。終摧囑楚。願不以人廢言。

留神省察

魏書張袞附傳太和初懷州民伊邲苟初謀反將殺刺史文明太后欲盡誅一城之民白澤諫

張倫

倫字天念白澤子累官護軍長史員外常侍轉大司農少卿燕州大中正熙平中出爲後將軍肆州刺史孝莊初進太常少卿不拜轉大司農卿

諫遣使報蠕蠕表

臣聞古之聖王疆理物土辨章要匄荒遐之俗政所不及故禮有壹見之文書著羈縻之事太祖曰神武之姿聖明之略經略帝圖日有不暇遂令豎子遊魂一方亦由中國多虞急諸華而緩夷狄也高祖光宅土中業隆卜世赫雷霆之威振熊羆之旅方役南轅未遑北伐昔舊京烽起虜使在郊主上案劍璽書不出世宗運籌帷幄開境揚旌衣裳所及舟車萬里于時醜類款關上亦述遵遺志今大明臨朝澤及行輩國富兵彊能言率職何憚而爲之何求

而行此。往日蕭衍通敬求和。呂誠肅未純。抑而不許。先帝棄戎于前。陛下交夷于後。無乃上乖高祖之心。下違世宗之意。且虜雖慕德。亦來觀我。懼之。呂彊儼卽歸附。示之。呂弱。窺覷或起。春秋所謂。呂我卜也。又小人難近。夷狄無親。疏之則怨。狎之則侮。其所由來久矣。是呂高祖世宗知其若此。來旣莫逆。去又不追。不一之義。于是乎在。必其委贄玉帛之辰。屈膝蕃方之禮。則可豐其勞賄。籍呂珍物。至于王人遠役。銜命虜庭。優呂匹敵之尊。加之相望之寵。恐徒生虜慢。無益聖朝。假令選眾而舉。使乎稱職。資酈生之辯。騁終軍之辭。憑軾下齊。長纓繫越。苟異曩時。猶爲不願。而況極之。呂降崇。申之。呂宴好。臣雖下愚。輒敢固執。若事不獲已。應頒制詔。示其上下之儀。宰臣致書諷呂歸順之道。若聽受忠誨。明我話言。則萬乘之盛。不失位于域中。天子之聲。必籠罩于無外。脫或未從。焉能損益徐輝于賊。呂招之。敷文德而懷遠。如迷心不已。或肆犬羊。則

當命辛李之將、勤衛霍之師、蕩定雲沙、埽清逆孽、飲馬瀚海之濱、
鏖石燕然之上、開都護、置戍、已斯亦陛下之高功、不世之盛事、如
思案甲養民、務農安邊之術、經國之防、豈可已哉、夷兼并而遽虧
典制、將取笑于當時、貽醜于來葉、昔文公請隧、襄后有言、荆莊問
鼎、王孫是抑、曰古方今、竊爲陛下不取、又陛下方欲禮神、岷瀆致
禮、衡山登稽嶺、窺蒼梧、而反與夷虜之君、酋渠之長、結昆弟之忻、
抗分庭之義、將何日、敝文命之遐景、迹重華之高風者哉、臣曰爲
報使甚失如彼、不報甚得如此、願留須臾之聽、察愚臣之言、魏書
張袞
附傳熙平中、蠕蠕主遣使來朝、抗敝國之書、不修臣
敬朝議、將依漢答匈奴故事、遣使報之、倫表不從

長孫嵩

嵩代人、昭成時、代父仁統軍、道武時、召爲南部大人、除冀州刺
史、賜爵鉅鹿公、歷侍中、司徒、相州刺史、明元卽位、假節督山東
諸軍事、太武卽位、進爵北平王、司州中正、遷太尉、加柱國大將

軍卒年八十諡曰宣王、

議荅吐谷渾慕瓚

前者有司所處、曰爲秦王荒外之君、本非政教所及、來則受之、去則不禁、皇威遠被、西秦王慕義畏威、稱臣納貢、求受爵號、議者曰、爲古者要荒之君、雖人土眾廣、而爵不擬華夏、陛下加寵王官、乃越常分、容飾車旗、班同上國、至于繒絮多少、舊典所無、皆當臨時、曰制豐寡、自漢魏以來、撫接荒遐、頗有故事、呂后遺單于御車二乘、馬二駟、單于荅馬千匹、其後匈奴和親、敵國遺繒絮不過數百、呼韓邪稱臣、身自入朝、始乃至万匹、今西秦王若曰土無桑蠶、便當上請、不得言財不周賞、昔周室衰微、齊侯小白一匡天下、有賜胙之命、無益土之賞、晉侯重耳破楚城濮、唯受南陽之田、爲朝宿之邑、西秦所致、唯定而已、塞外之人、因時乘便、侵入秦涼、未有經略拓境之勲、爵登上國、統秦涼河沙四州之地、而云土不增廓、比

聖朝于弱周而自同于五霸無厭之情其可極乎西秦王忠款于朝廷原其本情必不至此或左右不敏因致斯累檢西秦流人賊時所抄悉在蒲坂今既稱藩四海咸泰天下一家可敕秦州送詣京師隨後遣還所請乞佛三人昔爲賓國之使來在王庭國破家邊卽爲臣妾可勿聽許

魏書吐谷渾傳慕瓚表言上不留財不周賞并請救遣乞佛等大尉長孫嵩及議

博士二百七十九人議答

長孫稚

稚

南史作幼

字承業初名冀歸嵩四世從孫襲父觀爵上黨王例降

爲公孝文時拜前將軍授七兵尙書太常卿右將軍宣武時出爲撫軍大將軍領揚州刺史假鎮南大將軍都督淮南諸軍事進大都督坐事除名復假鎮西將軍除平東將軍進尙書右僕射孝明時出爲行臺雍州刺史孝莊初復封上黨王尋改馮翊王後降爲郡公遷司徒加侍中兼尙書令大行臺仍鎮長安前

廢帝卽位遷太尉錄尙書事孝武時轉太傅錄尙書事從入關拜太師復封上黨王大統元年卒贈假黃鉞大丞相都督三十州諸軍事雍州刺史諡曰文宣

奉表自明

與瑛同在淮南俱當國難瑛敗臣全遂生私隙且臨機奪帥非算所長

魏書長孫道生附傳鮮于修總反呂雅爲大都督雅遣子子裕奉表

復收鹽池稅表

鹽池天資貨賄密邇京畿唯須寶而護之均贍百理今四境多虞府藏罄竭然冀定二州且亡且亂常調之絹不復可收仰惟府庫有出無入必須經綸出入相補略論鹽稅一年之中準絹而言猶不應減三十萬匹也便是移冀定二州置千畿甸今若廢之事同再失臣前仰違嚴旨而先計關賊而解河東者非是閑長安而急蒲坂蒲坂一陷沒失鹽池三軍口命濟贍理絕天助大魏茲計不

矣。昔高祖昇平之年，無所之少，猶創置鹽官，而加典護，非爲物而競利，恐由利而亂俗也。況今王公素餐，百官尸祿，租徵六年之粟，調折來歲之資，此皆出入私財，奪人膏力，豈是願言，事不獲已。臣輒符司監，將尉還率所部，依常收稅，更聽後款。魏書長孫道生附傳：靈太后時有詔，廢鹽池稅，惟上表。

上表乞定樂舞名

臣聞安上治民，莫善于禮；移風易俗，莫善于樂。易曰：「先王曰：『作樂崇德，殷薦之上帝，以配祖考。』」書曰：「夏摯鳴球，搏拊琴瑟，以詠祖考來格。」詩言「志律和聲，敦敘九族，平章百姓，天神于焉降歆，地祇可得而禮，故樂曰象德，舞曰象功」。干戚所曰，比其形容；金石所曰，發其歌頌。薦之宗廟，則靈祇饗其和，用之朝廷，則君臣協其志。樂之時義大矣哉！雖復沿革異時，晦明殊位，周因殷禮，百世可知也。太祖道武皇帝應圖受命，光宅四海，義合天經，德符地緯，九戎荐舉。

五禮未詳太宗世祖重輝累耀恭宗顯祖誕隆不基而猶經營四方匪遑制作高祖孝文皇帝承太平之緒纂無爲之運帝圖既遠王度惟新太和中命故中書監高閭草創古樂閭尋去世未就其功閭亡之後故太樂令公孫崇續修遺事十有餘載崇敷奏其功時太常卿劉芳曰崇所作體制差舛不合古義請更修營被旨聽許芳又釐綜久而申呈時故東平王元匡共相論駁各樹朋黨爭競紛紛竟無底定及孝昌已後世屬艱虞內難孔殷外敵滋甚永安之季胡賊入京燔燒樂庫所有之鐘悉畢賊手其餘磬石咸爲灰燼普泰元年臣等奉敕營造樂器責問太樂前來郊丘懸設之方宗廟施安之分太樂令張乾龜答稱芳所造六格北廂黃鐘之均實是夷則之調其餘三廂宮商不和共用一笛施之前殿樂人尙存又有姑洗太簇二格用之後宮檢其聲韻復是夷則于今尙在而芳一代碩儒斯文攸屬討論之日必應攷古深有明證乾龜

之辨。恐是歷歲稍遠。俗官失職。芳久殂沒。遺文銷毀。無可遵訪。臣等謹詳周禮分樂而序之。凡樂園鐘爲宮。黃鐘爲角。太簇爲徵。姑洗爲羽。若樂六變。天神可得而禮。函鐘爲宮。大簇爲角。姑洗爲徵。南呂爲羽。若樂八變。地祇可得而禮。黃鐘爲宮。大呂爲角。大簇爲徵。應鐘爲羽。若樂九變。人鬼可得而禮。至于布置不得相生之次。兩均異宮。竝無商聲。而同用一徵。書曰。於予擊石拊石。百獸率舞。八音克諧。神人只和。計五音不具。則聲豈成文。七律不備。則理無和韻。八音克諧。莫曉其旨。聖道幽玄。微言已絕。漢魏已來。未能作者。案春秋魯昭公二十年。晏子言于齊侯曰。先王之濟五味。和五聲也。曰。平其心。成其政也。聲亦如味。一氣二體。三類四物。五聲六律。七音八風。九歌。曰。相成也。服子慎注云。黃鐘之均。黃鐘爲宮。太簇爲商。姑洗爲角。林鐘爲徵。南呂爲羽。應鐘爲變宮。蕤賓爲變徵。一縣十九鐘。十二懸。二百二十八鐘。八十四律。卽如此義。乃可尋

究今案周禮小胥之職樂懸之法鄭注云鐘磬編縣之二八十六枚漢成帝時韃爲郡于水濱得古磬十六枚獻呈漢曰爲瑞復依禮圖編縣十六去正始中徐州辭成送玉磬十六枚亦是一懸之器檢太樂所用鐘磬各一懸十四不知何據魏侍中謬襲云周禮曰六律六同五聲八音六舞大合樂曰致鬼神今之樂官徒知古有此制莫有明者又云樂制既亡漢成謂韶武武德武始大鈞可曰備四代之樂奏黃鐘舞文始曰祀天地奏太簇舞大武曰祀五郊明堂奏姑洗舞武德巡狩曰祭四望山川奏蕤賓舞武始大鈞曰祀宗廟祀圜丘方澤羣廟祫祭之時則可兼舞四代之樂漢亦有雲翹育命之舞罔識其源漢曰祭天魏時又曰雲翹兼祀圜丘天郊育命兼祀方澤地郊今二舞久亡無復知者臣等謹依高祖所制尺周官考工記鼂氏爲鐘鼓之分磬氏爲磬倨闕之法禮運五聲十二律還相爲宮之義曰律呂爲之劑量奏請制度經紀磬

造依魏晉所用四廟宮懸鐘磬各十六懸塤箎箏筑聲韻區別蓋
理三稔于茲始就五聲有節八音無爽笙鏞和合不相奪倫元日
備設百寮允矚雖未極萬古之微蹤實是一時之盛事竊惟古先
哲王制禮作樂各有所稱黃帝有咸池之樂顓頊作承雲之舞大
章大韶堯舜之異名大夏大濩禹湯之殊稱周言大武秦曰壽人
及焚書絕學之後舊章淪滅無可準據漢高祖時叔孫通因秦樂
人制宗廟樂迎神廟門奏嘉至皇帝入廟門奏永至登歌再終下
奏休成之樂通所作也高祖六年有昭容樂禮容樂又有房中祠
樂高祖唐山夫人所作也孝惠二年使樂府令夏侯寬備其簫管
更名安世樂高祖廟奏武德文始五行之舞孝文廟奏昭德文始
四時五行之舞孝武廟奏盛德文始四時五行之舞武德者高祖
四年作也呂象天下樂已行武呂除亂也文始舞者舜韶舞高祖
六年更名曰文始呂示不相襲也五行舞者本周舞秦始皇二十

六年更名曰五行也。四時舞者，孝文所作，曰明天下之安和也。孝景曰：武德舞爲昭德，孝宣曰：昭德舞爲盛德。光武廟奏大武，諸帝廟並奏文始、五行、四時之舞。及卯金不祀，當塗勃興，魏武廟樂改云韶武，用虞之大韶，周之大武，總號大鈞也。曹失其鹿，典午乘時，晉氏之樂更名正德。自昔帝王，莫不損益相緣，徽號殊別者也。而皇魏統天百三十載，至于樂舞，迄未立名，非所曰聿宣皇風，章明功德，贊揚懋軌，垂範無窮者矣。案今后宮饗會及五郊之祭，皆用兩懸之樂，詳攬先誥，大爲紕繆。古禮天子宮懸，諸侯軒懸，大夫判懸，士特懸，皇后禮數德合王者，名器所資，豈同于大夫哉？孝經言嚴父莫大于配天，宗祀文王于明堂，曰配上帝，卽五精之帝也。禮記王制：庶羞不踰牲，燕衣不踰祭服，論語禹卑宮室，盡力于溝洫，惡衣服致美于黻冕，何有殿庭之樂過于天地乎？失禮之差，遠于千里。昔漢孝武帝東巡狩，封禪還祀泰一于甘泉，祭后土于汾陰。

皆盡用明其無減。晉泰元年前，侍中臣孚及臣瑩等奏求造十二懸。六懸裁訖，續復營造。尋蒙旨判，今六懸既成，臣等思鐘磬各四，甗鐸相從，十六格宮懸已足。今請更營二懸，通前爲八宮懸，兩具矣。一具備于太極，一具列于顯陽。若圓丘方澤，上辛四時五郊社，綴諸祀，雖時日相礙，用之無闕。孔子曰：『周道四達，禮樂交通。』傳曰：『魯有禘樂，賓祭用之。』然則天地宗廟同樂之明證也。其升斗權量當時未定，請卽刊校。已爲長準，周存六代之樂，雲門咸池韶夏漢武用于郊廟，各有所施，但世運遙緬，隨時亡缺。漢世唯有虞韶周武，魏爲武始，咸熙錯綜風聲，爲一代之禮。晉無改造，易名正德。今聖朝樂舞未名，舞人冠服無準，稱之文武舞而已。依魏景初三年已來衣服制，其祭天地宗廟武舞執干戚，著平冕黑介幘，玄衣裳，白領袖絳領袖中衣絳合幅袴，鞞黑韋鞞，文舞執羽籥冠委貌，其服同上。其奏于廟庭武舞，武弁赤介幘，生絳袍單衣練領袖阜領。

絀中衣虎文畫合幅袴白布襪黑屨文舞者進賢冠黑介幘生
黃袍單衣白合幅衫服同上其魏晉相因承用不改古之神室方
各別所故聲歌各異今之太廟連基接棟樂舞同奏于義得通自
中煩喪亂晉室播蕩永嘉已後舊章湮沒大武皇帝破平統萬得
古雅樂一部正首歌五十曲工伎相傳間有施用自高祖遷居世
宗晏駕內外多事禮物未周今日所有王夏肆夏之屬二十三曲
猶得擊奏足目闕累聖之休風宣重光之盛美伏惟陛下仁格上
皇義光下武道契玄機業隆寶祚思服典章留心軌物反克舜之
淳風復文武之境土飾宇宙之義刑納生人于福地道德熙泰樂
載新聲天成地平于是乎在樂舞之名乞垂旨判臣等曰愚昧參
廁問道呈御之日伏聞惶懼

魏書樂志晉泰中前廢帝詔鑄尚書長孫稚太常卿祖瑩營理金石永熙

二年春
雅堂表

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後魏文卷二十一終